



Boletin di ASFO

Volúmen 3, issue 5

20 di desèmber
2018

E luna aki **grupo 5** ta na burt pa kolektá kuminda, paña i ko'i hunga. Nos ta spera ku na final di e luna di yanüari nos por yuda hopi hende ku tin mester di nos yudansa.

Masha danki pa bo kooperashon!



Na nos skol e muchanan ta siña programá tambe. Riba e potrèt bo por mira tur e muchanan ku a partisipá na e kompetensia di 'Ko de Kraker'. E kampion di skol ta:

Milan Redeker, pabien!

Bo tabata sa ku:

- Pareltjes tin un kantidat di lugá disponibel den grupo hel?
- Ta importante pa kada mucha lesa tur dia na kas?
- E alumnonan di grupo 6, 7 i 8 ta bezig ku programá na skol?

Tema di luna: Gratitut!

Den e edishon aki:

Tur luna den buletin nos ta duna un bista di e aktividatnan binidero di e luna aki:

- **Djaluna 7 di yanüari** ta e promé dia di skol despues di vakashon di pasku. Nos ta spera ku tur hende a deskansá i a bin bei di e periodo drùk di desèmber.
- **Djárason 9 di yanüari grupo 5** lo ta na enkargo di "maandopening" pa e luna di yanüari, nan lo tin komo tema: Gratitut. Bo ta keda kordialmente invitá riba plenchi di skol. E selebrashon lo kuminsá 7.30. OC lo sirbi kòfi i te.
- **Djárason 9 di yanüari** nos skol lo kuminsá ku pruebanan di AVI pa grupo 3 t/k 8. Pues ta importante pa bo keda lesa hopi den vakashon di pasku, pa asina e muchanan no bai atras den nan nivel di AVI.
- **Djaluna 14 di yanüari** nos skol ta kuminsá ku pruebanan di Cito den grupo 3 t/k 8. Bo ta haña mas informashon tokante esaki den "nieuwsbrief".

Nos ta deseá bo un luna bendishoná

Apresiabel mayor(nan) i/òf kuidadó(nan),

E prosedura pa inskribí alumnonan pa grupo 1 pa skolnan di fundeshi di VPCO lo start e aña aki for di den luna di yanüari. Manera ya mensioná den e kondishonnan general di VPCO miembro i no miembronan (gewone en buitengewone leden) ku ta al dia ku pago di kontribushon, lo tin preferensia riba un puesto pa e siguiente yu na un di e skolnan di VPCO.

Nos no por duna bo un fecha definitivo ainda riba kua VPCO lo start ku inskripshon pa rumannan chikí, pero si ku esaki lo ta na kuminsamentu di yanüari 2019. P'esei ta importante pa bo keda tene e website di VPCO i bo email na bista, pa bo keda bon na altura di tur dato i e proseduranan korekto.

